

ՀԱՇՎԵՏՎՈՒԹՅՈՒՆ

ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

- 1. Անունը, ազգանունը, գրաղեցրած պաշտոնը՝** Էդուարդ Հակոբյան, ՀՀ ֆինանսների նախարարի տեղակալ
- 2. Գործուղման վայրը և ժամկետները՝** Մեծ Բրիտանիայի և Հյուսիսային Իռլանդիայի Միացյալ Թագավորություն, ք. Լոնդոն, 2024թ. հունիսի 5-ից 8-ը
- 3. Հրավիրող կողմը՝** Ջեյ Փի Մորգան:
- 4. Գործուղման նպատակը՝** (աշխատանքային ո՞ր խնդրի լուծման համար էր նախատեսված գործուղումը)՝ Մասնակցություն «Սահմանային շուկաների ֆիքսված եկամտով գործիքներ» խորագրով համաժողովին և դրա շրջանակում ոչ գործարքային իրազեկման արշավի իրականացում:
- 5. Քննարկված թեմաները՝** Հանդիպումների ընթացքում միջազգային կապիտալի շուկայի մասնակիցներին ներկայացվել է շնորհանդեսային նյութը, որը բաղկացած էր հետևյալ բաժիններից.
 - 1) Նախաբան (երկրի նկարագրությունը և հիմնական շեշտադրումները),
 - 2) Կառուցվածքային բարեփոխումները,
 - 3) Մակրոտնտեսական քաղաքականությունը,
 - 4) Հարկաբյուջետային շրջանակը և պետական պարտքը,
 - 5) Արտաքին հատվածը,
 - 6) Դրամավարկային քաղաքականությունը,
 - 7) Բանկային համակարգը:
- 6. Հանդիպումները, ելույթները, բարձրացված կամ քննարկված հարցերը՝** Համաժողովի շրջանակներում իրականացվել են ինչպես անհատական, այնպես էլ խմբային հանդիպումներ միջազգային կապիտալի շուկայում գործող մոտ 30 խոշորագույն

ակտիվների կառավարիչների, ներդրումային ընկերությունների ներկայացուցիչների հետ: Նաև նախատեսված էր Հայաստանին նվիրված առանձին պանելային քննարկում ներդրողների լայն շրջանակի հետ: Քննարկումներին ներկայացվել է շնորհանդեսային նյութը, այնուհետ հանդիպումներն ընթանում էին ակտիվ հարց ու պատասխանի ռեժիմով: Ներդրումային ընկերություններին հետաքրքրող հիմնական հարցերը վերաբերում էին մակրոտնտեսական և դրամավարկային ցուցանիշներին, հարկաբյուջետային և պարտքային քաղաքականությանը, բարեփոխումներին, տարածաշրջանային զարգացումներին: Գրեթե բոլոր ներդրումային ընկերություններն ունեին դրական ընկալում Հայաստանի և նրա վարած տնտեսական քաղաքականության վերաբերյալ:

Այցի շրջանակներում հանդիպել եմ նաև Բլումբերգ գործակալության ներկայացուցիչների հետ՝ քննարկելով համագործակցության զարգացման հեռանկարները:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Հանդիպումների շրջանակներում որոշումներ չեն ընդունվել և փաստաթղթեր չեն ստորագրվել: Պայմանավորվածություն է ձեռք բերվել ներդրողներին շարունակաբար տեղեկացնել Հայաստանի զարգացումների վերաբերյալ՝ թարմացված շնորհանդեսային նյութի պարբերաբար առաքման միջոցով:


8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝

Ներդրողների հետ կանոնավոր կերպով սերտ համագործակցության կարևորությունն ամրագրված է ՀՀ կառավարության 2020 թվականի հուլիսի 16-ի «Կապիտալի շուկայի զարգացման ծրագիրը հաստատելու մասին» N1202-Լ որոշմամբ: Այն ենթադրում է ներդրողներին ուղղված ակտիվ միջոցառումների իրականացում՝ պարբերական իրազեկման արշավների, շնորհանդեսների և այլ գործիքների միջոցով:

Համաժողովին մասնակցությամբ կապիտալի միջազգային շուկայի ներդրողների հետ հանդիպումները բարձրացրեցին Հայաստանի ճանաչելիությունը, ամրապնդեցին արտաքին շուկաների հասանելիությունը Հայաստանի համար և պարտքային ներքին

շուկայի հասանելիությունը՝ արտաքին ինստիտուցիոնալ ներդրողների համար: Այն կարող է դրական ազդեցություն ունենալ ներդրողների կողմից երկրի ռիսկի գնահատման տեսանկյունից:

9. Ստորագրությունը, ամսաթիվը՝

 Recoverable Signature

X 

ԷԴՈՒԱՐԴ ՀԱԿՈԲՅԱՆ

Signed by: HAKOBYAN EDUARD 3001910811

Էդուարդ Հակոբյան

12.06.2024թ.